

國醫小叢書之三

秘傳喉科十八證

蔡鈞輯

上海國醫書局印行

敘

聞之方人有博施濟衆之衷一則曰如保赤子再則曰視民如傷大之
可以治國小之可以活人予嘗公暇於斯語而翫味之維治國無才而活
人系念情天下不能泯瘡痍之患人生不能無疾病之虞天則救世之
懷也我虛託然思醫方之有經驗者未始不可活人也爰蒐而輯
之庶人盡知醫藥材易購或窮鄉僻壤蒼猝間不及延醫者
既可轉危為安或寒咳貧居驚惶時無力就診者亦可按方療疾
或遇水洩金淫天流戾氣而家置一篇并可挽回氣數默召休和因知濟
人之術真妙於斯是后前印驗方新編甫告成而又得秘傳喉科十證類
皆靈驗異常而壽身壽人壽世洵三善兼備焉用付石印而廣
流傳庶體古人之施濟而聊盡吾心焉耳時光緒戊戌三月燕山和

甫氏蔡鈞序於上海道署

上海中醫書局最近出版醫書

女科類

胎產證治

秦校胎產秘書

秦校達生編

幼科類

幼科易知錄

秦校慢驚福幼編

走馬牙疳治療奇方

喉科類

秘傳喉科十八證

秦校喉科指南重樓玉鑰

秦校喉科秘旨

李校白喉治法捷要

許校白喉忌表抉微

白喉條辨

王肯堂

錢氏

函齋居士

鉛印

鉛印

鉛印

平裝

平裝

平裝

一冊

一冊

一冊

二角

二角

一角

六折

六折

六折

吳溶堂

莊一夔

滕氏

鉛印

石印

鉛印

平裝

本裝

平裝

一冊

一冊

一冊

五角

一角

一角

六折

六折

六折

蔡鈞

鄭梅澗

吳張氏

張紹修

耐修子

陳葆善

石印

鉛印

石印

石印

石印

鉛印

本裝

平裝

本裝

本裝

本裝

平裝

一冊

一冊

一冊

一冊

一冊

一冊

一角

四角

三角

一角

一角

二角

六折

六折

六折

六折

六折

六折

秘傳喉科十八證目錄

喉科總論

用藥禁忌

鎖喉第一

氣癰第三

弄舌第五

啞脹第七

懸蜺第九

熱風喉癰第十一

喉閉第十三

發頤第十五

喉菌第十七

通治用藥

丸散方藥

重舌第二

乳蛾第四

纏喉第六

骨槽第八

爛喉癰第十

弱證喉癰第十二

噎食第十四

懸癰第十六

牙癰第十八

喉科總論

夫喉者吾生氣機出入之門戶。瞬息存亡之際。性命系焉。偶一受病。危在須臾。迫不及待。所貴醫者能識受病之源。與夫虛實痰火風寒熱毒之異。便於望聞問訊中。參究脈理。尤為先務之急。自來業喉科者。全不講求。所以治之鮮效。今試論之。假如其脈洪大而實。其人氣粗而躁。此有餘之證。用藥則以散風下氣清火消痰為主。散之者。荊芥防風羌活獨活紫蘇是也。下之者。枳殼只實青皮厚朴山查前胡是也。清之者。山梔黃芩黃柏。甚則犀角黃連。消痰則以膽星杏仁樓仁主之。若脈洪大而浮軟無力。或弦緩而澀。其人氣萎而靜。此不足之證。則須涼血生血滋潤消痰。涼之者。丹皮白芍是也。生之者。生地當歸是也。潤之者。苡仁知母花粉是也。消痰則以貝母罌仁杏仁兼用。山梔黃芩黃柏黃連犀角。或有純是陰脈者。或有純是陽脈者。當

以病治病。脈不與馬。即以荊芥。防風。牛蒡。射干。黃芩。只殼。銀花。獨活。生地。丹皮。花粉。為治。再以保命丹。或紅內消。同服。日用吹藥。夜用噙藥。無不見效。更有一種熱病。而服熱藥者。火毒熾甚。而發於喉間。大寒大熱。疼痛不止。或舌脹而木。伸縮不能。飲食難進。其脈洪實有力。大便不行。宜急下之。若脈洪絃而浮無力。宜涼血行血為主。若過用疎風散火之劑。恐變別證。最稱難治。又有一種出外急走遠路。脫力而傷肺氣。喘息難舒。以致喉痛舌脹。地閣下腫。突如鎖喉之狀。內視之。非重舌。外視之。非痰毒。寒熱大作。痰涎洶湧。六脈洪大。中空。面色發黃而浮。初以防風通聖散通之。或效一二。即進以涼血生血順氣之藥。又有似喉證。非喉證者。其喉亦痛。身關緊。胸脇疼痛。或腹脹痛。四肢厥作痛。此因受有重傷。或用力太過。致瘀血凝滯。當以行血破瘀為要。初起可救。過五六日不治。又如弱症喉癰。雖是肺經之病。亦

有兼他經而起者。何以知之。假如喉間紅瘰作痛。是肺經火盛也。若頸項之筋。有時或左或右。作脹而梗。氣悶不快。此怒氣傷肝。左關脈必洪大而絃。當清肝火。以舒筋涼血為主。用藥則以當歸牛膝。佐以柴胡黃芩羚羊。若兼右關微弱而緩。乃脾胃有虧。須兼用白芍茯苓。此肝脾與肺共病也。喉間紅瘰作痛。其舌紫色。或生刺作痛。或作木乾枯。是心經受虧。無血榮養。以致虛火熾盛。且兼思慮太過。鬱氣所成。左寸脈必浮洪。當以犀角黃連為主。佐以當歸白芍。此心與肺共病也。喉間紅瘰作痛。滿唇焦烈。口熱如燒。或作乾嘔。是胃經虛火熾盛。右關脈必洪絃且緊。當以山梔黃芩為主。佐以當歸白芍山藥。此胃與肺共病也。喉間紅瘰作痛。夜間舌乾口枯。湯水不進。或有嗽而無痰。更兼滑精者。是腎水枯竭。虛火上炎。兩尺脈必洪數無力。當以山藥知母黃柏為主。佐以花粉澤瀉白芍茯苓。此腎與肺共病也。若

夫肺經獨病。或吐血而成。或脾瀉而生。氣血消散。嗽重聲啞。喘急痰多。聲如曳鋸。睡卧不得。六脈洪大而浮。肺部更甚。當以苡仁山藥貝母黃芩婁仁牛蒡為主。佐以當歸白芍熟地茯苓丹皮犀角黃柏知母服之。喉痛雖止。然不過待日而已。更有六脈沈隱。神脫氣敗。飲食不進。步履不前。盜汗自汗如雨。脾弱溏泄。死無疑矣。若年老人喉間紅瘰作痛。或舌上生刺。或破腫。或木脹。言語不清。六脈微洪。五至有餘。飲食動靜。形色神氣如常。此血少火盛。當以黃芩丹皮茯苓熟地當歸白芍為主。佐以元參牛蒡枳殼銀花花粉山藥苡仁。甚則犀角黃連。不同前論。若小兒痘後。或瘡後患此。當以犀角黃連敗其熱毒。更以涼血補血健脾之藥佐之。朮草參芪斷不可用。此外用藥與大人相同。若女人胎前患此者。先以安胎為主。次以涼血為佐。紅內消保命丹忌用。餘藥無妨。產後一月未滿者。當以熟地當歸補血。青皮

枳壳下氣。元參射干牛蒡元胡索銀花消腫。少加黃芩花粉以青熱。紅內消保命丹可用。但不宜多。吹藥噙藥忌用。如經期適來。當以破血下氣為主。涼血者少用。紅內消保命丹吹藥噙藥均不忌。茲論其大略如此。餘詳各條。

△通治用藥

夫喉科向有三十六法。今余列十八證。名目雖簡。而治法已備。要之十八證中。又可以風與火概之。凡遇此證。不論緩急。只以下氣消痰為主。次則清火涼血。若不分先後。混亂用藥。貽害非淺。今開用藥大概于左。惟高明者臨時參用。

藥用防風前胡丹皮獨活各一錢。杏仁樓仁山查各三錢。車前木通各八分。兩劑後加山梔膽星各一錢。生地二錢。如火未息。加黃芩一錢。以保命丹紅內消同服。誤用黃連半夏生姜桔梗之類。難

以收功。照前方加羌活獨活服幾劑自愈。牙關難開。加真北細辛一分。

單蛾雙蛾。至八九日後。方可用針刺出毒。未滿十日。萬不可刺。或有疔瘡根脚紅內消轉。不可用。用之反凶。藥中加地丁草七八錢。自愈。保命丹可服。

頸間痰毒。須加象貝母。草何車。猴薑。若日久難愈。以蝦蟇一箇。研好硃砂五分。灌於泥中。裏好煨乾。研末服之。自消。

▲用藥禁忌

古有甘桔湯。乃清喉之要劑。今人見有患喉症者。即用之。嗟乎。此猶抱薪救火。非能愈疾。更增其疾矣。何以言之。夫喉症乃火毒上升所致。以降氣瀉火為要。甘草補而不瀉。火既受其補。則火愈熾。病愈重矣。桔梗引諸藥上行。則痰與火亦引之而上行。勢必喉間壅塞。於病

更加重矣。故小兒驚痰。大人痰火。桔梗是最忌者。本草云。升麻能引胃中清氣上升。又可代犀角。似乎可用。不知一用。則其痰火與氣一齊上湧於咽喉之間。四肢逆冷。喘急異常。為害非淺。若在他症。猶或可用。如鎖喉服之。則不治矣。半夏雖消痰。若喉症痰重者。誤用之。禍不旋踵。蓋此乃治脾家溼滯之痰。至於喉症有痰。總不外肺中熱火。何可以半夏之燥烈治之乎。老姜辛辣發散。雖喉症亦以發散為主。然過用辛辣。則以火益火。大非所宜。此五者與喉症關係甚重。故特表而出之。至別藥之中。亦多禁忌。惟業醫者審擇用之。茲不多贅。

△丸散方藥

牛黃解毒丸

即噙藥

治一切喉風痺閉。咳嗽喘急。痰涎壅塞。胸膈迷悶。竝口舌諸病。無不效驗。

牛黃五錢 兒茶三錢 冰片五錢 雄黃五錢 官礪五錢

薄荷二錢 另研 青黛一兩 飛淨 膽星四兩

共研細末生蜜和丸如芡實大。噙一丸待其自化嚥下。一日夜須噙四丸小兒減半。

紅內消散

治咽喉一切諸症並無名腫毒其效如神。

大蜈蚣去頭足切斷同米炒以米黑為度。乳香淨去油 沒藥淨去油

淨血竭另研 象貝母 川山甲炒 雄黃 辰礪淨水飛 麝

香揀去毛皮

右藥等分惟麝香錢許研極細末每服七分小兒減半和藥同煎

服酒下亦可孕婦忌服麝香七分似乎太多宜酌用

保命丹錠子

治咽喉口齒新久腫痛並解諸毒磨服神效

麝香

抹去皮毛
乾研三錢

冰片

梅花大
塊一錢

珍珠

研細末
一錢

琥珀

一錢

辰

硼

明透者水
飛淨三錢

山豆根

熬汁一兩

另用文蛤洗淨煨一兩

山茨菇

洗去毛皮
淨焙二錢

雄黃

鮮明大塊研
飛淨三錢

千金子

白者去
油一兩

紅毛大戟

江浙

紫大戟為上
用去根洗淨焙乾一兩五錢

右藥研末以糯米粥和山豆根汁打糊為錠每重一錢病輕者一

錠重者連服二錠

膽冰消毒散

初起吹藥

血竭

一錢

膽礬

一錢

雄黃

一錢

乳香

去油三錢

冰片

一錢

白芷

二錢

灰

不拘多少

冰硼散

收功吹藥

冰片

一錢

硼砂

一錢

山豆根

二錢

五分

玉屑散 一名五破曹

治咽喉口舌頸項破爛諸症皆效。

薄荷三錢 宮礪三錢 雄黃三錢 兒茶一錢 冰片三錢

共研細末。貼斃餅。臨用挑少許置舌上。咀含片刻嚥下。日用八九次。如鎖喉風。口內乾枯。牙關緊閉。不能咀含者。以無根水灌下。自能開關生津。惟脾虛胃弱者不能多用。

▲鎖喉第一

鎖喉。因風熱積於胸膈。或酒色鬱怒所致。其狀喉上下左右。紫腫疼痛。或帝丁焦黑腐爛。頸浮腫。痰涎壅塞。聲響如潮。氣急發喘。眼目直視。額上有汗如珠。身汗如雨。或瀉泄清水。四肢厥冷。或腰脇疼痛。肚腹脹痛。法在不治。若脈六七至。不論大小。至數分明。雖甚危險。十中可救一二。或脈洪大沈細。而三部混亂。即形色神氣如常。終為難治。

初起用吹藥噙藥。痰多以萬年青根搗汁和醋攪去痰涎。或土牛膝或青魚膽汁俱可。

加減荆防敗毒散

脈洪大六七至者用之

荆芥 防風 牛蒡 連翹 膽星 獨活 前胡 枳壳 蘇子
 蔓仁 杏仁 黃芩 黃柏 生地 山梔 元參 加原枝燈心
 二十莖。長流水煎。和保命丹同服。大便不行。去荆芥防風。加枳實青
 皮大黃。

加減柴胡雙解散

脈沈隱或二三至用之

柴胡 前胡 獨活 羌活 枳壳 枳實 川芎 青皮 杏仁
 蔓仁 膽星 蘇子 長流水煎。和保命丹同服。冬月加麻黃。
 又派有七八至而浮洪。頭面皮肉浮腫。色微紅。涕淚交流。語言蹇
 澀。或以防風。蘇子。銀花。牛蒡。杏仁。蔓仁。枳實。枳壳。膽星。青皮。黃柏。

黃芩。山梔。元參。和保命丹同服。亦有獲效者。

服荊防敗毒散後。肺管脹塞。兼咳嗽者。即加生地。當歸。白芍。

服

服敗毒散一劑。喉痛頓減。惟胸膈痛。牽引背脊。再服之。即除。

三黃湯亦有全愈。

蛇蚶。同白梅搗爛。和丸噉之。每效。

誤用大黃。巴豆。瀉利不止。喉症雖愈。而胸膈脹悶。飲食不進。醫復

誤作他證治者死。

▲重舌第二

此證因平日喜食炙煖熱毒之物。積熱攻於心肺二經所致。其狀舌下腫突。生一小舌。久之大舌反縮短。或腫而紫。言語不清。飲食不下。微作寒熱。口中清涎極多。即用銅匙將舌捺定。用三棱針刺大舌兩旁。及舌下金津玉液兩穴。各一針。可五分許。再刺小舌兩旁。或出紫